

SAVEZ

OPĆINA I
GRADOVA
F BiH

ASSOCIATION OF
CITIES AND
MUNICIPALITIES OF
THE FEDERATION
OF BOSNIA AND
HERZEGOVINA

FBiH

INFORMATIVNA BROŠURA



Podržano u okviru CDMA projekta, impentiranog od strane agencije VNG-International, a finansiranog sredstvima organizacije Sida



www.sogfbih.ba

INFORMATIVNA BROŠURA

Saveza općina i gradova
Federacije Bosne i Hercegovine

Mart/Ožujak 2011.

UVODNA RIJEČ

Poštovani čitaoci,

Izuzetno mi je zadovoljstvo predstaviti Vam informativnu brošuru Saveza općina i gradova Federacije Bosne i Hercegovine. Brošura sadrži osnovne informacije o Savezu, ciljevima i oblicima djelovanja Saveza prema domaćim i međunarodnim organizacijama, kao i informacije o uslugama i servisima koji stoje na raspolaganju našim članicama.

Osnovni cilj ovakvog oblika informisanja jeste, prije svega, upoznavanje načelnika i vijećnika sa aktivnostima njihovog Saveza, njegovom ulogom i mogućnostima, ali također, i upoznavanje naših partnera i šire javnosti.

Za one koji se prvi put susreću sa Savezom ili nisu dovoljno upućeni u rad naše organizacije, vjerujemo da će dobro doći prikaz organa Saveza općina i gradova Federacije BiH (Skupština, Predsjedništvo Skupštine i Nadzorni odbor), kao i prikaz oblika djelovanja Saveza (skupštinske komisije i radna tijela).

Savez na nivou Federacije BiH, a na osnovu Zakona o principima lokalne samouprave u Federaciji Bosne i Hercegovine, ima pravo djelovati kao zakonski zastupnik svojih članica pred organima vlasti u FBiH, pripremati prijedloge zakona i amandmane na prijedloge zakona u cilju poboljšanja zakona i propisa koji reguliraju rad jedinica lokalne samouprave, kao i davati mišljenja i prijedloge u vezi sa raspodjelom javnih prihoda u dijelu koji se odnosi na finansiranje jedinica lokalne samouprave. U cilju što kvalitetnijeg vršenja ovih zakonom omogućenih aktivnosti, Savez je u svakodnevnom kontaktu sa svojim članicama kroz rad Predsjedništva Skupštine Saveza, skupštinskih komisija i ad hoc radnih tijela, te je otvoren za sve vrste inicijativa koje su usmjerene na pravno, finansijsko i kadrovska jačanje položaja jedinica lokalne samouprave.

S motom „*Zajedno smo jači, zajedno smo efikasniji, zajedno znamo više*“ učinimo lokalni nivo dostojnim evrounijskog zbližavanja.

S poštovanjem,

Vesna Travljanin, direktor Saveza



SADRŽAJ

1. OSNOVNI PODACI O SAVEZU	4
2. PRAVNI POLOŽAJ I ULOGA SAVEZA	5
3. MISIJA SAVEZA	6
4. STRATEŠKA OPREDJELJENJA SAVEZA OPĆINA I GRADOVA FBIH	7
5. NEKI OD JAVNIH SKUPOVA I RADIONICA U ORGANIZACIJI SAVEZA U POSLJEDNJE VRIJEME	9
6. KRATKI PRIKAZ PROJEKATA NA KOJIMA JE SAVEZ U POSLJEDNJE VRIJEME RADIO ILI RADI	10
7. ORGANI SAVEZA	14
- Skupština Saveza	
- Predsjedništvo Skupštine Saveza	
- Nadzorni odbor	
8. OBLICI DJELOVANJA SAVEZA	18
8.1 Stalna radna tijela	18
- Komisija za razvoj i unapređenje lokalne samouprave	
- Komisija za ustavna i zakonodavna pitanja	
- Komisija za međunarodne veze, suradnju i evropske integracije	
- Komisija za imovinska pitanja, prostorno uređenje, stambeno-komunalne djelatnosti i zaštitu okoliša	
- Komisija za ekonomski razvoj općina i gradova i finansije	
- Komisija za izbor i imenovanja	
8.2 Povremena radna tijela	21
9. DIREKTOR SAVEZA	21
10. STRUČNA SLUŽBA SAVEZA	22

1. OSNOVNI PODACI O SAVEZU

Zajednica opština i gradova SRBiH konstituirana je 1972. godine. Na osnovu Amandmana XLII tač. 9. na Ustav SRBiH 1989. godine, uspostavljena je kao samoupravna institucija političkog sistema u BiH. U Zajednici su do izbivanja ratnih sukoba 1992. godine bile udružene sve općine sa područja BiH.

Zajednica je konstituirana radi razvoja i unapređenja komunalnog sistema (sistema lokalne samouprave) međugradske i međunarodne suradnje i zaštite zajedničkog interesa općina i gradova.

Uspostavljenje novog demokratskog društvenog sistema u Bosni i Hercegovini uvjetovano je konstituiranjem lokalnih demokratija – uspostavljanjem općina i gradova kao važnog dostignuća na razvoju i konsolidovanju demokratije.

Kako lokalne demokratije predstavljaju krupno pitanje za prijem u evropske institucionalne i privredne integracije, Zajednica se angažovala na međunarodnom priznanju, odnosno prijemu u članstvo Kongresa lokalnih i regionalnih vlasti Evrope.

Zajednica je predložila Predsjedništvu Republike BiH, a zatim uputila zahtjev Vladi RBiH za ratificiranjem dokumenta – „Evropske povelje o lokalnoj samoupravi“, prema kojoj se osigurava i garantira pravo na lokalnu samoupravu u Bosni i Hercegovini. Vlada RBiH ratificirala je Evropsku povelju o lokalnoj samoupravi oktobra/listopada 1994. godine (”Službeni list RBiH”, broj 31/94, od 03.11.94.). U isto vrijeme, novembra/studenog 1994. godine, Zajednica opština i gradova RBiH primljena je u Kongres lokalnih i regionalnih vlasti Evrope (CLRAE) sa položajem specijalnog gosta.

U Mostaru je 29.05.2002. godine održana Konstituirajuća sjednica Saveza općina i gradova Federacije Bosne i Hercegovine. Dokument o osnivanju federalnog Saveza potpisale su 55 članice, te zajednički usvojile Statut novoosnovanog Saveza.

Savez općina i gradova FBiH je registrovan kao samostalna, nevladina i neprofitna organizacija dobrovoljno udruženih općina i gradova u Federaciji BiH, osnovana u cilju razvoja lokalne samouprave i unapređenja i zaštite njihovih zajedničkih interesa.

U Gradačcu, 22.03.2007. godine održana je II. Skupština Saveza na kojoj je usvojen novi Statut Saveza i izabrani novi organi. Tom prilikom Savezu je pristupilo još 28 općina, a 2009.godine još jedna. Savez danas broji ukupno 79 članica od 80 jedinica lokalne samouprave u Federaciji BiH (pet općina je pravno prestalo da postoji: Mostar Stari Grad, Mostar Sjever, Mostar Jug, Mostar Zapad i Mostar Jugozapad). Općina Kreševo nije članica Saveza. S međunarodnog aspekta, tri ključna događaja su trasirala nove perspektive Saveza i to:

1. **Ratifikacija Evropske povelje o lokalnoj samoupravi** (oktobar/listopad 1994. godine - Vlada RBiH ”Službene list RBiH”, broj 31/94 i 12.07.2002. godine BiH);
2. **Prijem Zajednice opština i gradova Republike BiH u Kongres lokalnih i regionalnih vlasti Evrope - CLRAE** (novembar/studen 1994. godine);
3. **Prijem Bosne i Hercegovine u Vijeće Evrope** (april/travanj 2002. godine);

U okviru Saveza ostvaruje se slobodna razmjena iskustava i mišljenja, promocija zajedničkih interesa, učešće u konsultacijama za donošenje propisa, zaštita zajedničkih interesa, te suradnja sa nacionalnim i međunarodnim asocijacijama, organizacijama i institucijama vlasti.

2. PRAVNI POLOŽAJ I ULOGA SAVEZA

Savez općina i gradova Federacije Bosne i Hercegovine registriran je 02.10.2003. godine u Registar udruženja kod Federalnog ministarstva pravde pod registarskim brojem 719. knjiga I Registra. Upis promjena izvršen je 24.09.2007. godine u skladu sa Zakonom o udruženjima i fondacijama.

Prema Zakonu o principima lokalne samouprave u Federaciji Bosne i Hercegovine, koji je stupio na snagu 08.09.2006. godine, u članu 51. uređuju se nadležnosti Saveza, pa tako:

„U cilju zaštite zajedničkog interesa, kao i promoviranja i unapređenja lokalne samouprave, gradovi i općine mogu formirati saveze na nivou Bosne i Hercegovine i Federacije BiH.“

„Savez na nivou Federacije BiH ima pravo:

- 1) djelovati kao zakonski zastupnik svojih članica pred vlastima u FBiH;*
- 2) pripremati prijedloge zakona i amandmane na prijedloge zakona u cilju poboljšanja zakona i propisa koji reguliraju rad jedinica lokalne samouprave;*
- 3) davati mišljenja i prijedloge u vezi s raspodjelom javnih prihoda u dijelu koji se odnosi na finansiranje jedinica lokalne samouprave;*
- 4) uspostavljati kontakte i suradnju sa sličnim organizacijama u zemlji i inozemstvu, te postati član međunarodnih asocijacija;*
- 5) obavljati druge funkcije u skladu sa Statutom.“*

U članu 56. istog Zakona stoji:

„Federalne, odnosno kantonalne vlasti dužne su u najvećoj mogućoj mjeri konsultovati jedinice lokalne samouprave u postupku donošenja propisa koji ih se direktno tiču. Konsultovanje, u smislu iz prethodnog stava ovog člana, federalne, odnosno kantonalne vlasti vrše putem saveza općina i gradova.“

U **Članu 19.** predviđeno je da u slučaju osporavanja usvojenog budžeta, u skladu s ovim zakonom moguće tražiti arbitražu čije tijelo *„...činit će predstavnici Federalnog ministarstva finansija, kantonalnog ministarstva finansija, općinskog vijeća i općinskog načelnika/ce, nezavisni ekspert iz oblasti finansija i predstavnik Saveza općina i gradova Federacije Bosne i Hercegovine“.*

Član 34. propisuje obavezu zakonodavca da pribavi *„...mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu uticati na finansijske obaveze jedinica lokalne samouprave“*, što predstavlja prenos odredbi iz Evropske povelje koja obavezuju više vlasti na konsultovanje lokalnih vlasti o svim pitanjima koja se odnose na njih.

Amandmanom 96. na Ustav FBiH iz 2004. godine data je mogućnost savezu da može pokrenuti postupak pred Ustavnim sudom u svrhu zaštite prava na lokalnu samoupravu, što je Savez u više navrata i koristio.

Evropska povelja o lokalnoj samoupravi daje pravo organima lokalnih vlasti na udruživanje, pa tako u **Članu 10.** stoji:

„Lokalni organi vlasti imaju pravo da, u vršenju svojih dužnosti, međusobno surađuju i da se, u skladu sa zakonom, udružuju sa drugim lokalnim vlastima radi obavljanja poslova od zajedničkog interesa.

Svaka zemlja mora priznati pravo lokalnim organima vlasti da pripadaju udruženju radi zaštite i unapređenja njihovih zajedničkih interesa, i da pripadaju međunarodnom udruženju lokalnih vlasti.“

3. MISIJA SAVEZA

Misija Saveza je promovisanje demokratske i efikasne lokalne vlasti (u skladu sa principima Evropske povelje o lokalnoj samoupravi) putem:

- a) lobiranja i zastupanja zajedničkih interesa svojih članica na nivou Bosne i Hercegovine, Federacije BiH i drugim nivoima, te pred nadležnim sudovima, kao i na međunarodnom planu;**
- b) pružanja profesionalnih usluga članicama (pravno i finansijsko savjetovalište);**
- c) stvaranja platforme za razmjenu znanja i informacija (e-mail, web stranica, konferencije, seminari, radionice, javne rasprave, okrugle stolove).**

a) Općine i gradovi u Federaciji BiH zajedničkim djelovanjem i istupanjem mogu uspješnije ostvariti zajedničke interese na državnom i federalnom nivou. Savez, kao legitimni predstavnik općina i gradova Federacije BiH, predstavlja i zastupa interese svojih članica na najbolji mogući način.

b) Fokus aktivnosti Saveza usmjeren je na izbor i pružanje kvalitetnih usluga koje su od koristi za članice u njihovim nastojanjima da ojačaju lokalnu samoupravu i zadovolje potrebe građana. Savez radi i radit će na poboljšanju i profesionalizaciji svojih usluga koje pruža članicama.

U ostvarivanju tog cilja neophodna je razmjena znanja i iskustava iz područja lokalne samouprave između članica, nacionalnih saveza Jugoistočne Evrope, stranih organizacija, nevladinog sektora itd., a sve u cilju poboljšanja efikasnosti lokalnih vlasti u Bosni i Hercegovini.

c) Savez se obavezuje da će učiniti sve da izgradi efikasnu platformu za razmjenu znanja i informacija te da će biti otvoren za sve potrebe članica.

Krajnji cilj ovih aktivnosti jesu stvaranje efikasnih lokalnih vlasti utemeljenih na demokratskim principima i osposobljenih da zadovolje potrebe svojih građana.

4. STRATEŠKA OPREDJELJENJA SAVEZA OPĆINA I GRADOVA FEDERACIJE BOSNE I HERCEGOVINE

a. Decentralizacija – uspostavljanje i razvoj funkcija

Ideja očuvanja i jačanja principa lokalne samouprave u zemljama članicama Vijeća Evrope značajan je doprinos izgradnji Evrope zasnovane na načelima demokratije i decentralizacije vlasti.

Evropska povelja o lokalnoj samoupravi (čl. 3. i 4.) utvrđuje temeljni princip da „lokalna samouprava podrazumijeva pravo i osposobljenost lokalnih vlasti da u granicama zakona reguliraju i rukovode znatnim dijelom javnih poslova, prije svega, onih koji su najbliži građanima na osnovu vlastite odgovornosti i u interesu lokalnog stanovništva“.

Inicijativa Vijeća Evrope za efikasnu decentralizaciju vlasti program je podrške projektiran s namjerom da pomogne vladama u provođenju reforme domaćeg zakonodavstva što je u biti i osnova programsko-planskog načela Saveza.

b. Usklađivanje domaćeg zakonodavstva

Strateški pravci razvoja sistema lokalnih demokratija u Federaciji BiH, koje Savez razvija i provodi kroz zakonodavni sistem Federacije BiH, usmjeren je ka ustavnoj i zakonskoj dogradnji sistema lokalne samouprave, ukazujući istovremeno na ekonomske, finansijske i druge probleme u organizaciji društva i vlasti.

Savez se, u ime svojih članica, aktivno uključuje u proces ustavnih promjena, kao i u proces donošenja, izmjena i dopuna zakonskih i drugih pratećih akata na svim nivoima vlasti, a koji se tiču lokalnih zajednica. U ostvarivanju ovog cilja Savez djeluje preko svojih organa, prije svega Predsjedništva Skupštine i skupštinskih komisija, te povremenih radnih tijela.

Također, u cilju poboljšanja statusa jedinica lokalne samouprave Savez predlaže amandmane, te daje mišljenja i sugestije na propise koji su u parlamentarnoj proceduri. Pored djelovanja kroz zakonodavnu vlast, Savez vrši utjecaj na izvršnu vlast putem resornih ministarstava u svrhu poboljšanja statusa jedinica lokalne samouprave.



c. Sistem djelovanja Saveza prema centralnoj vlasti

U ovom dijelu Savez je učinio značajan korak naprijed kako bi ostvario trajan utjecaj na centralne organe vlasti. Savez aktivno radi na izgradnji adekvatnog sistema organizacije u skladu s ulogom koju mu je povjerio Zakon o principima lokalne samouprave („Službene novine FBiH“, broj 49/06, 51/09), odnosno na obavljanju zadaće istinskog predstavnika interesa svojih članica prema centralnoj vlasti.

U tom smislu Savez se uključuje u sve aktivnosti u okviru institucija sistema u procesu usvajanja zakona koji se odnose na lokalnu samoupravu.



Savez već sada ima razvijenu suradnju sa izvršnom i zakonodavnom vlasti Federacije BiH (Parlamentom Federacije BiH, Federalnim ministarstvom pravde, Federalnim ministarstvom finansija, Agencijom za državnu službu Federacije BiH, kantonalnim ministarstvima pravde), a u toku su aktivnosti na izradi dokumenta pod nazivom Među-administrativni odnosi u Federaciji BiH koji će regulisati odnose između različitih nivoa vlasti u Federaciji BiH.

d. Strategija ekonomskog razvoja

Savez je u procesu pripremanja aktivnosti za daljnje osposobljavanje općina da apliciraju na projekte od značaja i koristi za jedinice lokalne samouprave u sferi lokalno-ekonomskog razvoja i ovo će predstavljati jednu od osnovnih aktivnosti Saveza u narednom periodu. Ovdje se prvenstveno misli na predpristupne fondove Evropske unije.

e. Jačanje Saveza i njegove uloge

Savez će i dalje raditi na razvijanju svojih kapaciteta u funkcionalno i efikasno tijelo koje će biti u stanju odgovoriti svim postavljenim i pretpostavljenim zadacima, kako na domaćoj, tako i na međunarodnoj sceni. Neophodno je daljnje razvijanje, odnosno organiziranje Saveza u moderan, tehnološki i kadrovski adekvatno opremljen ured, kako bi se identificirani zadaci uspješno obavljali, te širio značaj lokalne samouprave.

f. Suradnja entitetskih saveza

Savez općina i gradova FBIH ostvaruje kvalitetnu suradnju sa Savezom opština i gradova RS. Kao rezultat takve suradnje, u oktobru/listopadu 2007. godine, konstituirano je Koordinaciono tijelo koje čine predstavnici oba saveza. Uloga Koordinacionog tijela je da se bavi pitanjima lokalne samouprave u odnosu na državni nivo, kao i pitanjima evropskih integracija.



g. Međunarodni odnosi i prekogranična suradnja

Savez, kroz članstvo u CLRAE-u - Kongresu lokalnih i regionalnih vlasti Vijeća Evrope i NALAS-u – Mreži asocijacija lokalnih vlasti Jugoistočne Evrope, razvija i unapređuje odnose suradnje sa savezima lokalnih vlasti iz regije i šire. Kroz suradnju sa nacionalnim savezima pruža se mogućnost povezivanja naših gradova i općina sa lokalnim vlastima drugih zemalja.

Pored aktivnosti koje Savez ostvaruje preko NALAS-a i Kongresa, uspostavljena je i direktna i intenzivna suradnja sa nizom saveza lokalnih vlasti regije i šire, kao što su: Holandska asocijacija lokalnih vlasti (VNG), Norveška asocijacija lokalnih vlasti (KS), austrijski Savez gradova, Asocijacija lokalnih vlasti pokrajine Štajerska (Austrija), Bugarska asocijacija lokalnih vlasti, asocijacije lokalnih vlasti Velike Britanije, Srbije, Crne Gore, Hrvatske, Slovenije i Makedonije.

Također, Savez je član CEMR-a (Vijeća evropskih općina i regiona). U članstvo je primljen 5. maja/svibnja 2008. godine, na sastanku održanom u Rejkjaviku. Članstvo Saveza u CEMR-u je važno za općine i gradove zato što se, putem ove organizacije koja predstavlja preko



100.000 lokalnih i regionalnih vlasti, dobija mogućnost kvalitetnijeg zastupanja interesa članica Saveza na međunarodnom polju.

Suradnja Saveza je ostvarena i sa ambasadama Kraljevine Holandije, Kraljevine Norveške, Kraljevine Španije, Švicarske, Velike Britanije, Austrije.

h. Suradnja sa udruženjima, nevladinim i međunarodnim organizacijama

Organi Saveza, putem svojih nadležnih radnih tijela, pored ostalih zadataka, pažnju posvećuju i suradnji sa udruženjima i nevladinim organizacijama po pitanjima koja se tiču razvoja lokalne samouprave u BiH.

Savez intenzivno radi na uspostavljanju i jačanju suradnje sa svim institucijama i organizacijama (domaćim i međunarodnim) koje se bave pitanjima lokalne samouprave. S obzirom na značaj koji je dat Savezu odredbama člana 51. Zakona o principima lokalne samouprave, Savez je neizbježna institucija koju bi u budućnosti trebalo da kontaktiraju svi koji se bave pitanjima lokalne samouprave. Savez je već sada prepoznat kao ozbiljan i respektabilan partner na polju zaštite i promocije lokalnih interesa kako od međunarodnih, tako i od domaćih organizacija. Savez ima razvijenu suradnju sa mnogim međunarodnim organizacijama akreditiranim u Bosni i Hercegovini kao što su: Vijeće Evrope, SDC, MDP, OSCE, UNDP, GAP, GTZ, SNV, itd.



5. NEKI OD JAVNIH SKUPOVA I RADIONICA U ORGANIZACIJI SAVEZA U POSLJEDNJE VRIJEME

RADIONICE/ „Javno komuniciranje-strategija i metodologija komuniciranja sa javnošću općinskih službenika i uposlenika u sektorima za informiranje“ – Goražde, Čitluk i Bihać (maj/svibanj 2007);

Sajam „Otvorena vrata općina i gradova BiH“ Gradačac, (20-22. juni/lipanj 2007);

Konferencija "Implementacija Zakona o principima lokalne samouprave u Federaciji Bosne i Hercegovine" koju su zajednički organizirali Savez općina i gradova Federacije Bosne i Hercegovine i Zastupnički dom Parlamenta Federacije Bosne i Hercegovine, uz podršku Vijeća Evrope i Projekta upravne odgovornosti (GAP) – Sarajevo (05. juli/srpanj 2007);

Konferencija o "osnivanju Centra za edukaciju službenika organa javne uprave" - Sarajevo, (15. novembar/studenj 2007);

Kongres lokalne samouprave u Federaciji BiH "Odnos lokalnih i centralnih vlasti" - Neum, (6-7. decembar/prosinac 2007);



Konferencija lokalnih zajednica u BiH - Sarajevo, (12. mart/ožujak 2008);

Javna rasprava o Nacrtu zakona o premjeru i katastru nekretnina – Sarajevo, (17. mart/ožujak 2008.);

Radionica povodom početka projekta Partnerstvo gradova "Kako ostvariti međunarodno partnerstvo" i susret koordinatora za rad sa Savezom - Bihać, Mostar i Bjelašnica (april/travanj 2008.);

Konferencija o javno-privatnom partnerstvu „Iskustva iz Evrope i njihova primjenjivost u BiH” – Sarajevo, (26. juni/lipanj 2008.);

Radionice o temi "Implementacija Zakona o dugu, zaduživanju i garancijama u FBIH" – Živinice, Jablanica i Vogošća (juli/srpanj 2008.);

Beacon Schema - radionice i konferencije;

Zajednička Radionica Saveza općina i gradova FBIH i GAP-a "Proces kreiranja i zagovaranja javnih politika" – Vogošća (16. septembar/rujan 2008);

Javna rasprava o Nacrtu zakona o izmjenama i dopunama zakona o koncesijama – Federalni parlament (17. novembar/studen 2008);

Radionice o Zakonu o budžetu (24.04.2009. Sanski Most, 08.05.2009. Bugojno, 15.05.2009. Maglaj i 22.05.2009. Ilidža);

Seminar za načelnike i predsjedavajuće općinskih Vijeća (juni/lipanj 2009) u saradnji sa Španskom agencijom za međunarodnu razvojnu saradnju (AECID) i Asocijacijom za lokalni razvoj (APRODEL). Riječ je o dvodnevnom seminaru za načelnike i predsjedavajuće općinskih/gradskih Vijeća.

Zajedničke radionice Saveza općina i gradova FBIH i GAP-a na temu "Uvođenje trezorskog poslovanja u jedinicama lokalne samouprave", april/travanj –maj/svibanj 2009.godine (Sanski Most, Bugojno, Maglaj I Ilidža);

Seminar/radionica «Proces zagovaranja/lobiranja novih zakonskih rješenja» - Sarajevo (10. mart/ožujak 2010) u partnerstvu s Projektom upravne odgovornosti - GAP;

Radionice o modernizaciji upravljanja državnom imovinom (24.05.2010. Banovići, 26.05.2010. Fojnica);

Javna rasprava o Zakonu o šumama, Sarajevo (28. juni/lipanj 2010);

Konferencija «Glavni izazovi za jedinice lokalne samouprave u FBIH» (Sarajevo, 1. i 2. decembar/prosinac 2010) u partnerstvu s KS-m;

Konferencija «Uvođenje trezorskog poslovanja na lokalnom nivou» (Sarajevo, 17. decembar/prosinac 2010) u partnerstvu s GTZ-m.



6. KRATKI PRIKAZ PROJEKATA NA KOJIMA JE SAVEZ U POSLJEDNJE VRIJEME RADIO ILI RADI

- 1) Partnerstvo gradova;
- 2) Seminari za općinske načelnike/gradonačelnike i predsjedavajuće općinskih vijeća/gradskih vijeća;

- 3) Seminari za općinske/gradske vijećnike;
- 4) Beacon Scheme;
- 5) Podrška procesu ustavnih reformi – rasprave u općinama;
- 6) Moje dvorište – Jačanje civilnog društva;
- 7) Razvoja kapaciteta entitetskih saveza općina i gradova BiH;
- 8) Humana općina/humani grad;
- 9) Integrirani lokalni razvoj (ILD);
- 10) Sistem obuke za jedinice lokalne samouprave (MTS);
- 11) Jačanje lokalne demokratije (LOD);
- 12) Peoples Empowerment in Rural Areas.



1. Partnerstvo gradova (2008.)

Projekat «Partnerstvo gradova» je realiziran uz podršku Nizozemske asocijacije lokalnih vlasti (Association of Netherlands Municipalities - VNG), a imao je za cilj da pruži mogućnost općinama i gradovima Federacije BiH da, posredstvom Saveza općina i gradova Federacije BiH, uspostave međunarodni partnerski odnos sa nekom od općina/gradova Evrope. Partnerstvo ima za cilj uspostavu aktivne razmjene iskustava i znanja među jedinicama lokalne samouprave, kao i mogućnost zajedničkog apliciranja na različite fondove koji su dostupni za Bosnu i Hercegovinu.

Sve članice Saveza su putem radionica ili na drugi način informisane o načinu apliciranja na ovaj projekat. Detaljnije na: <http://www.partnerstvogradova.ba>

2. Seminari za općinske načelnike/gradonačelnike i predsjedavajuće općinskih/gradskih vijeća (2009.)

Ovaj projekat je Savez realizirao u suradnji sa Norveškom asocijacijom lokalnih i regionalnih vlasti (Norwegian Association of Local and Regional Authorities - KS).

Cilj projekta jeste stvaranje efikasne i moderne općinske uprave u FBiH tako da građani i privreda uživaju profesionalan, efikasan, transparentan i susretljiv servis u skladu s važećim propisima. Ciljna grupa na koju je usmjerena realizacija projekta jesu načelnici /gradonačelnici i predsjedavajući općinskih/gradskih vijeća. Svrha projekta jeste stvaranje efikasne i konstruktivne suradnje izvršnog i zakonodavnog tijela lokalne zajednice, a sve u cilju doprinošenja jačanju povjerenja građana u općinske vlasti i drugih subjekata kojima je povjereno vršenje javnih funkcija u skladu sa zakonom.



3. Seminari za općinske/gradske vijećnike (2009. – 2010.)

Ovo je drugi krug ovog projekta kojeg je Savez sprovodio u suradnji s Norveškom asocijacijom lokalnih i regionalnih vlasti (KS). Prvi krug je obuhvatio 25 općina, a implementiran je u periodu 2005. – 2007. godine. Cilj projekta je osposobljavanje vijećnika za njihov uspješan rad u interesu lokalne zajednice. Projekat se realizira u okviru jednodnevnih i dvodnevnih obuka vijećnika kojom prilikom imaju mogućnost da se detaljnije upoznaju sa zakonskim određenjem lokalne



samouprave, parlamentarnim procedurama, ulogom i odgovornošću vijeća kao predstavničkog tijela, finansijskom politikom i načinom donošenja i usvajanja budžeta, učešćem građana i zagovaranjem njihovih interesa, te odnosima sa javnošću. Ovim krugom je obuhvaćeno 10 općina.

4. Beacon Scheme (2005. –)

Beacon Schema je uspostavljena kao sastavni dio razvoja lokalne samouprave i primarni cilj joj je podizanje standarda općinske uprave kroz priznavanje i nagrađivanje dobre prakse, kao i kroz podršku razmjene najboljih primjera iz prakse. „Beacon“ je prepoznat kao „brend“ koji daje određeni prestiž i status i favorizira općine koje postižu dobre rezultate u pojedinim oblastima života.

Ovaj projekat, koji se provodi u više zemalja u svijetu i koji ima veliki ugled u društvu, u BiH je pokrenula Ambasada Velike Britanije 2005. godine.

Od 2011. godine treba da započne šesti krug ovog projekta uz cjelokupnu finansijsku podršku domaćih institucija, a implementatori će biti, kao i do sada, entitetski savezi općina i gradova.

Općine koje dobiju Beacon status su općine koje su najuspješnije u datim oblastima s obavezom prenošenja pozitivne prakse na druge općine. Na taj način općine popravljaju i unapređuju uslugu prema građanima i među sobom razvijaju takmičarski duh u pogledu kvaliteta pružanja usluga. Entitetska resorna ministarstva imaju obavezu da sa Brčko Distriktom osiguraju finansijska sredstva, i to na način da će entitetska ministarstva izdvojiti po 45%, a Brčko Distrikt 10% potrebnih sredstava.



5. Podrška procesu ustavnih reformi – rasprave u općinama (2009. – 2010.)

Projekat se realizirao uz finansijsku podršku Švicarske organizacije za razvoj (SDC), a implementatori su Savez općina i gradova Federacije BiH i Savez opština i gradova RS.

Projekat je imao za cilj da informiše lokalne zajednice o načinima na koje ustavne promjene mogu utjecati na njihov svakodnevni život, doprinijeti jačanju lokalne samouprave i približiti nas evropskim standardima. Također, kroz projekat je pružana prilika lokalnim zajednicama, predstavnicima poslovnog sektora, nevladinim organizacijama i dr. da iskažu svoje mišljenje povodom ustavnih promjena i izraze svoja očekivanja. Uz aktivno učešće lokalnih zajednica i civilnog društva u javnim debatama usvojeni su konkretni prijedlozi za poboljšanje položaja lokalne samouprave u Ustavu BiH. Amandmani su predati Parlamentarnoj Skupštini BiH.



6. «Moje dvorište – Jačanje civilnog društva» (2010. – 2011.)

Savez općina i gradova Federacije BiH i Savez opština i gradova Republike Srpske, uz finansijsku podršku Švicarske razvojne agencije (SDC) i Programom MGD-F krajem 2010. godine započeli su sa implementacijom projekta "Moje dvorište"- Jačanje civilnog društva. TV stanice Hayat i BN rade na izradi i realizaciji 16 emisija u trajanju od po 25 minuta. Emisije se bave temama značajnim za lokalne zajednice uz obavezno prisustvo predstavnika jedinica lokalne samouprave kojima je pružena mogućnost predstavljanja glavnih izazova sa kojima se suočavaju u svom radu. Cilj ukupnog projekta je podizanje svijesti o značaju

lokalne samouprave, ukazivanje na prepreke sa kojima se naše lokalne zajednice susreću u pružanju usluga svojim građanima kao i širenje primjera dobre prakse naših članica.

7. "Razvoj kapaciteta entitetskih saveza općina i gradova BiH" (CDMA) (2010. – 2013.)

Ovaj Projekat zajednički implementiraju Savez općina i gradova Federacije BiH, Savez opština i gradova Republike Srpske i Međunarodna kooperativna agencija saveza općina Kraljevine Holandije VNG-International. Financiran je od strane Švedske međunarodne agencije za razvoj i saradnju – Sida. Osnovni cilj projekta je dalje jačanje i institucionaliziranje Saveza općina i gradova FBIH, te pomoć pri izradi strateške dokumentacije i usluga.

Pored navedenih projekata gdje se Savez pojavljuje kao nosilac aktivnosti ili direktni korisnik, također, u suradnji sa partnerskim organizacijama zajednički implementiramo projekte, u kojima se Savez pojavljuje kao partner. To su sljedeći projekti:

8. Humana općina/humani grad (2010.)

Ovaj projekat daje mogućnost općinama i gradovima da širokoj BH javnosti i dijaspori prikažu svoje aktivnosti, kako u oblasti privrede i turizma, tako i humanitarnih akcija namjenjenih zbrinjavanju socijalno ugroženih građana. Kroz ovaj projekat članice Saveza imaju izvanrednu priliku kvalitetne prezentacije i promocije uspješne jedinice lokalne samouprave, njenih najvažnijih projekata, aktivnosti i inicijativa putem:

TV emisije (koja se emituje na satelitu i lokalnim TV stanicama u BiH)

Radio emisije (koja se emituje na lokalnim radio stanicama u BiH, kao i putem interneta preko kojeg se može slušati širom svijeta)

Web portala UG „Naša realnost“ www.nasarealnost.ba

Projekat se realizira u suradnji sa UG «Naša realnost» a finansiraju ga JLS iz svog budžeta.

9. Integrirani lokalni razvoj (ILDLP)

Cilj projekta je osigurati modernizaciju i profesionalizaciju planiranja lokalnog razvoja u BiH, kroz izradu i primjenu standardiziranog pristupa integriranom i inkluzivnom lokalnom razvoju. Istovremeno, projekat će nastojati osigurati da se jedinstvena metodologija za planiranje lokalnog razvoja temelji na postojećim dobrim praksama u BiH kao i na iskustvima drugih evropskih zemalja. Projekat implementira UNDP.

10. Sistem obuke za jedinice lokalne samouprave (MTS)

U sklopu projekta urađen je, a u skladu sa zaključkom Vlade FBIH, nacrt Strategije obuke za zaposlene u jedinicama lokalne samouprave u Federaciji Bosne i Hercegovine. Strategiju je pripremila Radna grupa, koju čine predstavnici Federalnog ministarstva pravde, Agencije za državnu službu FBIH, Federalnog ministarstva finansija, Parlamenta FBIH, Saveza općina i gradova FBIH i jedinica lokalne samouprave. Strategiju je usvojilo Predsjedništvo Skupštine Saveza, a očekuje se i njeno usvajanje na Vladi Federacije BiH. U skladu sa Strategijom trenutno vršimo odabir regionalnih lokaliteta za izvođenje obuke za izabrane zvaničnike i uposlenike u jedinicama lokalne samouprave. Nosilac projekta je UNDP.

11. Jačanje lokalne demokratije (LOD)

Ovaj projekat, kroz saradnju sa lokalnim zajednicama podržava projekte organizacija civilnog društva kojima je cilj uključenje marginalizovanih grupa u društvene tokove, projekte namijenjene mladima, obrazovanju, unapređenju turizma, kulture, smanjenju siromaštva i zaštiti okoliša. Projekat implementira UNDP u suradnji sa savezima FBIH i RS-a.

12. PEP International – PERA “Peoples Empowerment in Rural Areas” Project – Savez je uključen kao jedan od partnera u implementaciji projekta.

- Sa SNV-m i DEI-em imamo potpisan Memorandum o razumjevanju koji omogućava suradnju na područjima od zajedničkog interesa u procesima evropskih integracija.

Pored navedenih projekata koje je Savez realizirao ili realizira samostalno ili u partnerstvu s drugim organizacijama, u toku su izrade prijedloga novih projekata s kojim ćemo aplicirati prema poznatim donatorima. Tako, u suradnji sa **KS-m** pripremamo projekat koji je usmjeren ka **edukaciji** (uposlenika i izabranih zvaničnika u jedinicama lokalne samouprave) i **dijalogu** s višim nivoima vlasti. U suradnji sa Udrugom općina Republike Hrvatske i Zajednicom opština Crne Gore pripremamo aplikaciju prema predpristupnim fondovima **IPA Programa Prekogranične saradnje** sa Hrvatskom i Crnom Gorom. Također, u suradnji sa Save the Children i NVO «Naša djeca» pripremamo projekat «Grad/Općina po mjeri djeteta».

7. ORGANI SAVEZA

U organe Saveza spadaju:

- 1. Skupština Saveza**
- 2. Predsjedništvo Skupštine Saveza**
- 3. Nadzorni odbor**

1. Skupština Saveza

Skupština Saveza je najviši organ Saveza.

Skupštinu čine predstavnici svih članica Saveza, po pravilu općinski načelnik, odnosno gradonačelnik. Iznimno, Skupštinu mogu činiti i drugi predstavnici po ovlaštenju načelnika, odnosno gradonačelnika.

Skupština ima predsjedavajućeg Skupštine i zamjenika predsjedavajućeg Skupštine.

Predstavnici svih članova ravnopravno učestvuju u radu Skupštine.

Svaki član Saveza u donošenju odluka ima jedan glas.

Mandat članova Skupštine traje četiri godine.

Sjednice Skupštine se održavaju prema potrebi, a najmanje jednom godišnje.

Skupština odlučuje o slijedećim pitanjima:

1. donosi Statut Saveza, izmjene i dopune Statuta i druge akte određene Statutom;
2. bira i razrješava predsjednika, zamjenika predsjednika i članove Predsjedništva Skupštine na prijedlog Predsjedništva;
3. usvaja izvještaje koje je pripremiло Predsjedništvo;
4. odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama udruženja;
5. utvrđuje programsku orijentaciju Saveza;
6. donosi poslovnik o svom radu i vrši njegovu izmjenu i dopunu;
7. donosi odluku o visini članskog doprinosa za finansiranje aktivnosti Saveza;
8. razmatra i ocjenjuje izvještaje o radu i materijalno-finansijskom poslovanju;
9. potvrđuje prijem općina i gradova u članstvo Saveza;

10. potvrđuje odluku o prestanku članstva u Savezu;
11. bira i razrješava predsjedavajućeg Skupštine i zamjenika predsjedavajućeg Skupštine;
12. obrazuje stalna radna tijela Skupštine, te bira i razrješava članove tih radnih tijela na prijedlog Predsjedništva;
13. bira i razrješava predsjednika i članove Nadzornog odbora;
14. odlučuje o prigovorima članova Saveza na odluke o njihovom brisanju iz članstva;
15. odlučuje o svim pitanjima koja nisu u nadležnosti drugog organa;
16. vrši i druge poslove utvrđene ovim statutom, zakonom i drugim općim aktima Saveza.

Skupština može da radi i odlučuje ako su na sjednici prisutni predstavnici više od polovine svih članova Saveza.

Odluke i drugi opći akti iz nadležnosti Skupštine donose se većinom glasova prisutnih članova Saveza, ukoliko ovim Statutom nije drugačije propisano.

Od osnivačke Skupštine koja je održana 29. maja/svibnja 2002. godine u Mostaru, Savez je održao još četiri sjednice Skupštine. Od toga dvije su bile izborne (22. mart/ožujak 2007 i 16. april/travanj 2009) i dvije redovne (7. decembar/prosinac 2007. i 7. maj/svibanj 2010).

2. Predsjedništvo Skupštine Saveza

Predsjedništvo Skupštine je izvršni organ Skupštine, koje usklađuje rad svih organa i radnih tijela Saveza.

Predsjedništvo sačinjavaju predsjednik, zamjenik predsjednika i jedanaest članova.

Predsjedništvo predlaže predsjednika i zamjenika predsjednika koji se rotiraju svake dvije godine i ne mogu biti iz reda istog konstitutivnog naroda.

Jedanaest članova Predsjedništva se bira na slijedeći način:

- općine/gradovi s područja svoga kantona između sebe biraju po jednog predstavnika;
- Grad Sarajevo ima jednog predstavnika.



Predsjednika, zamjenika predsjednika i članove Predsjedništva bira i razrješava Skupština. Sjednice Predsjedništva održavaju se u pravilu jednom u mjesec dana.

Ako je član Predsjedništva spriječen da prisustvuje sjednici, može ga zamijeniti drugi predstavnik po njegovom ovlaštenju, sa svim pravima i obavezama člana Predsjedništva. Članovi Predsjedništva biraju se na period od četiri godine.

Predsjedništvo, u okviru prava i dužnosti Saveza, vrši slijedeće poslove:

1. Priprema sjednice Skupštine;
2. Priprema i predlaže nacrt izmjena Statuta i drugih akata koje donosi Skupština;
3. Proviđa politiku, zaključke i druge odluke koje je donijela Skupština;
4. Upravlja imovinom Saveza;

5. Podnosi Skupštini godišnje ili periodične izvještaje o svom radu i radu tijela Skupštine na usvajanje;
6. Utvrđuje dugoročne, srednjoročne i godišnje planove rada Saveza;
7. Donosi budžet Saveza i njegove izmjene i dopune, kao i Odluku o izvršenju budžeta i podnosi izvještaj o izvršenju budžeta Skupštini;
8. Daje prijedloge, mišljenja i inicijative organima svih nivoa vlasti u Bosni i Hercegovini, nevladinim organizacijama, privatnom sektoru i međunarodnim organizacijama, za rješavanje pojedinih pitanja iz oblasti sistema lokalne samouprave;
9. Donosi odluku u ime Saveza o pokretanju postupka za zaštitu prava na lokalnu samoupravu pred Ustavnim sudom Federacije Bosne i Hercegovine;
10. Donosi odluke o osnivanju pravnih subjekata radi ostvarivanja statutarne ciljeva u skladu sa zakonom;
11. Odlučuje između dva zasjedanja Skupštine o prijemu novih članova u Savez;
12. Daje prijedlog predsjedavajućem Skupštine Saveza za sazivanje Skupštine;
13. Priprema i saziva izbornu Skupštinu Saveza nakon održanih lokalnih izbora;
14. Daje smjernice za organizaciju savjetovanja i drugih skupova;
15. Donosi poslovnik o radu Predsjedništva;
16. Po potrebi osniva stalna i povremena radna tijela i druge oblike djelovanja Predsjedništva, utvrđuje njihove poslove, način rada i imenuje njihove članove;
17. Razmatra izvještaj Predsjednika Predsjedništva o provedenim aktivnostima Saveza između dvije sjednice Predsjedništva;
18. Donosi opće akte iz oblasti organizacije i rada Saveza;
19. Imenuje predstavnike Saveza u Kongres lokalnih i regionalnih vlasti Evrope i u druge organe i organizacije kada se to traži od Saveza;
20. Provodi postupak za prijem u radni odnos, prestanak radnog odnosa i drugim pravima i obavezama uposlenika Saveza u skladu sa zakonom, ovim Statutom i drugim aktima Saveza;
21. Donosi odluke, rješenja i druge opće i pojedinačne akte u okviru svoje nadležnosti i obavlja druge poslove utvrđene Statutom i drugim općim aktima Saveza.

Predsjedništvo može raditi i odlučivati ako sjednici prisustvuje većina članova, a odlučuje većinom glasova izabranih članova Predsjedništva.

Mandat članova Predsjedništva traje do izbora novih, nakon održanih lokalnih izbora 2012. godine.

Izabrani član Predsjedništva sa područja kantona dužan je da predstavi usaglašene stavove načelnika općina i gradova koje predstavlja. Predsjednik i zamjenik predsjednika se rotiraju svake dvije godine i ne mogu biti iz reda istog konstitutivnog naroda. Od svih organa Saveza, Predsjedništvo se sastaje najčešće i odlučuje o svim važnim pitanjima za rad Saveza, izjašnjava se o pristiglim inicijativama uz ranije osiguran stav nadležne skupštinske komisije, daje saglasnost na predložene aktivnosti, donosi odluke i zaključke, usvaja dokumente, inicira aktivnosti i općenito strateški usmjerava rad Saveza. Predsjedništvo radi isključivo na volonterskoj osnovi.

U 2009. godini Predsjedništvo je održalo devet sjednica na kojim se, pored diskusije i usvajanja internih akata Saveza kojim se reguliše rad Stručne službe, tijela Saveza i usmjerava njegov rad, govorilo i zaključivalo i o sljedećim oblastima: Zakon o šumama u

FBIH, Zakon o budžetima u Federaciji Bosne i Hercegovine, Nacrt Zakona o izmjenama i dopunama Zakona o koncesijama Federacije BiH, Prijedlog zakona o izmjeni i dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata, Zakon o dopuni Zakona o porezu na promet nekretnina, Zakon o turističkim zajednicama i promicanju turizma u Federaciji BiH, Zakon o javnom pravobranilaštvu Srednjobosanskog kantona, prijedlog Zakona o izmjenama i dopunama Zakona o organizaciji organa uprave u FBIH, Izmjene i dopune Zakona o slobodi pristupa informacijama, Zakon o eksproprijaciji, Nacrt zakona o stvarnim pravima, prijedlog Zakona o zaposlenicima u organima jedinica lokalne samouprave, Amandmani u vezi sa Izbornim zakonom BiH, prednacrt Zakona o lokalnoj samoupravi Kantona Sarajevo, Prijedlog Zakona o predškolskom odgoju i obrazovanju Hercegovačko-neretvanskog kantona, Zakon o lokalnoj samoupravi Unsko-sanskog kantona, Zakon o izmjeni Zakona o porezima Srednjobosanskog kantona, zatim o inicijativama kao što je: pokretanje postupka za izdvajanje Općine Breza iz Zeničko-dobojskog kantona i pripajanje Sarajevskom kantonu, te o platformi Saveza općina i gradova Federacije BiH za pregovore sa Vladom Federacije BiH u vezi sa *stand by* aranžmanom i prevazilaženjem smanjenja javnih prihoda, kao i o još mnogo drugih oblasti. Također, Predsjedništvo je usvajalo informacije o aktivnostima Saveza vezanih za sljedeće projekte «Ustavna reforma – diskusije u lokalnim zajednicama», «MTS – Sistem obuke za jedinice lokalne samouprave», projekat «Beacon Schema», «Seminar za općinske načelnike /gradonačelnike i predsjedavajuće općinskih/gradskih vijeća», „Seminar za općinske vijećnike“ o održanim radionicama o uvođenju trezorskog poslovanja u jedinicama lokalne samouprave, o aktivnostima Saveza općina i gradova FBIH o zastupanju pred Ustavnim sudom Federacije BiH, o održanom seminaru «Partnerstvo općina i gradova Balkana», o aktivnostima u NALAS-u itd.

U 2010. godini Predsjedništvo je održalo šest sjednica na kojim se, pored internih akata Saveza govorilo i o sljedećim oblastima: Aktivnosti Saveza u vezi sa posljedicama uzrokovanim obilnim poplavama u općinama, Zakon o premjeru i katastru nekretnina i na nacrt Zakona o izmjenama i dopunama Zakona o zemljišnim knjigama Federacije BiH, Prednacrt Zakona o šumama, o rezultatima provedene ankete o primjeni Zakona o poljoprivrednom zemljištu, Zakon o lokalnoj samoupravi Kantona Sarajevo, o pravnoj praznini u vezi sa primjenom Zakona o državnoj službi u Federaciji Bosne i Hercegovine nakon donesene Presude Ustavnog suda Federacije Bosne i Hercegovine broj: 27/09; o izmjenama Zakona o fiskalizaciji u FBIH.

3. Nadzorni odbor

Nadzorni odbor je organ Saveza.

Nadzorni odbor ima predsjednika i dva člana.

Predsjednika i članove Nadzornog odbora bira i razrješava Skupština iz reda predstavnika članova Saveza u Skupštini.

Predsjednik i članovi Nadzornog odbora biraju se na period od četiri godine.

Nadzorni odbor obavezno jednom godišnje razmatra i vrši kontrolu materijalno-finansijskog poslovanja Saveza.

8. OBLICI DJELOVANJA SAVEZA

A. Stalna radna tijela

Komisije su stalna radna tijela koje se obrazuju za razmatranje pitanja iz oblasti lokalne samouprave.

Komisije Skupštine su:

1. Komisija za razvoj i unapređenje lokalne samouprave;
2. Komisija za ustavna i zakonodavna pitanja;
3. Komisija za međunarodne veze, suradnju i evropske integracije;
4. Komisija za imovinska pitanja, prostorno uređenje, stambeno-komunalne djelatnosti i zaštitu životnog okoliša;
5. Komisija za ekonomski razvoj općina i gradova i finansije;
6. Komisija za izbor i imenovanja.

Svaka komisija ima predsjednika, zamjenika predsjednika i osam članova. Mandat predsjednika i članova komisija traje četiri godine. Članovi komisija se biraju po principu da općine iz svakog kantona između sebe izaberu po jednog predstavnika u svaku komisiju. Članovi komisija rade isključivo na volonterskoj osnovi.

U radu komisija, na poziv predsjednika komisije, mogu sudjelovati i drugi predstavnici jednica lokalne samouprave, organa i organizacija, naučni i stručni radnici.

Skupštinske komisije se sastaju povremeno, zavisno od broja otvorenih pitanja koja se raspravljaju na pojedinim Komisijama. U nastavku opisane su nadležnosti svake komisije pojedinačno, o broju sjednica koje su održali u zadnja dva mandata kao i o oblastima koje su bile na dnevnom redu.



A1. Komisija za razvoj i unapređenje lokalne samouprave razmatra aktuelna pitanja koja se odnose na razvoj lokalnih demokratija u općini i gradu, unapređuje i razvija demokratske procese, te radi na jačanju i osposobljavanju lokalnih vlasti za odgovorno upravljanje i vođenje javnih poslova od interesa za lokalno stanovništvo, realizira utvrđene političke i demokratske zahtjeve Vijeća Evrope za decentralizaciju vlasti sve do lokalnog nivoa, razmatra i razvija upravnu strukturu lokalnih zajednica u okviru povjerenih izvornih nadležnosti, podstiče inicijative za konstituiranje izvornih prihoda za nadležnosti za koje nije osigurano finansiranje od federalnih i kantonálnih vlasti, unapređuje aktivnosti na uspostavljanju decentralizacije fiskalne politike, razvija institute pravne zaštite lokalnih vlasti i prava na poštivanje lokalne samouprave, prati realizaciju zaključaka i zahtjeva Kongresa CLRAE Vijeća Evrope.

Ova komisija je u toku prvog mandata (maj 2007. – mart 2009.) održala pet sjednica, na kojima su između ostalog razmatrani - Zakon o pravima izabranih dužnosnika, nosilaca izvršnih funkcija i savjetnika u institucijama vlasti FBIH; Nacrt zakona o izboru, prestanku mandata, opozivu i zamjeni načelnika općina u FBIH; UNDP Projekat integriranog lokalnog razvoja; Prijedlog zakona o izmjenama i dopunama Zakona o principima lokalne samouprave u Federaciji BiH - inicijativa Stranke za BiH, „Proces kreiranja i zagovaranja javnih politika“ – radionica organizirana za sve članove skupštinskih komisija.

U svom drugom sazivu (juni 2009. – septembar 2010.) Komisija je održala tri sjednice, na kojima su razmatrani: implementacija Zakona o principima lokalne samouprave i aktivnosti Koordinacionog tijela za reformu lokalne samouprave, Plan rada Saveza za period 2010.-2011.godina, te inicijative pristigle iz općina Stari Grad i Konjic, te Kantona Tuzla itd.

A2. Komisija za ustavna i zakonodavna pitanja razmatra i priprema odgovarajuće inicijative za ustavnu i zakonodavnu dogradnju sistema lokalne samouprave, priprema prijedloge za ustavne amandmane kojim se utvrđuju kompetencije lokalnih vlasti, i za uspostavljanje gradova kao posebnih urbanih, upravnih i duhovnih centara, stara se za ostvarivanje prava na zaštitu sistema lokalnih vlasti i poštivanje lokalne samouprave, učestvuje u kreiranju fiskalne politike i reforme poreznog sistema, te za ostvarivanje položaja i učešća Saveza općina i gradova FBIH u kreiranju unutarnje politike i u pripremama zakona koji se tiču lokalnih vlasti.

Ova komisija je u toku prvog mandata (maj 2007. – mart 2009.) održala osam sjednica, na kojima su između ostalog razmatrani - prijedlozi za izmjene i dopune Zakona o koncesijama; Nacrt zakona o stvarnim pravima; Prednacrt zakona o državnim službenicima u organima državne službe u FBIH; Prijedlog zakona o dugu, zaduživanju i garancijama u FBIH; Zakon o pravima izabranih dužnosnika, nosilaca izvršnih funkcija i savjetnika u institucijama vlasti FBIH; Nacrt zakona o izboru, prestanku mandata, opozivu i zamjeni načelnika općina u FBIH; usklađivanje zakona u kantonima i Federaciji BiH sa Zakonom o principima lokalne samouprave u FBIH, te inicijative za izmjene i dopune Statuta Saveza u okviru priprema za Skupštinu Saveza, „Proces kreiranja i zagovaranja javnih politika“ – radionica organizirana za sve članove skupštinskih komisija.

U svom drugom sazivu (maj 2009.-februar 2011.) Komisija je održala sedam sjednica, na kojima su, između ostalog, razmatrani - Zakono o šumama u kontekstu Presude Ustavnog suda Federacije BiH o povredi prava općina na lokalnu samoppravu; Inicijativa za izmjenu Zakona o privatizaciji preduzeća; Inicijativa za izmjenu Zakona o slobodi pristupa informacijama; Prijedlog zakona o izmjenama i dopunama Zakona o organizaciji organa uprave u Federaciji BiH, Plan rada Saveza za period 2010.-2011.godina, Nacrt zakona o lokalnoj samoupravi Kantona Sarajevo, Kodeksu (Međuprministrativnim odnosima u FBIH), Prednacrt zakona o vinu, te inicijative općina Kakanj, Stari Grad, Ilidža, Srednjobosanskog i Kantona Tuzla.

A3. Komisija za međunarodne veze, suradnju i evropske integracije razmatra pitanja iz domena međunarodne saradnje općina i gradova – uspostavljanje i jačanje saradnje sa asocijacijama lokalnih vlasti susjednih zemalja, podstiče projekt saradnje i partnerstva između općina i gradova i Federaciji sa gradovima iz Evrope, ostvaruje saradnju sa ambasadama lokalnih demokratija uspostavljenih na području Bosne i Hercegovine, unapređuje i razvija saradnju sa organizacijama lokalnih zajednica, podstiče ekonomski i kulturni razvoj i interes Federacije BiH kroz sudjelovanje u programu i projektu regionalnog Saveza Mreže za jugoistočnu Evropu, te razvija saradnju sa asocijacijom lokalnih vlasti Republike Srpske u zajedničkom nastupu u okviru Koordinacionog tijela saveza općina i gradova Bosne i Hercegovine.

Ova komisija je u toku prvog mandata (maj 2007. – mart 2009.) održala tri sjednice, na kojima su između ostalog razmatrani – novi Projekat seminar za načelnike i predsjedavajuće općinskih vijeća koji se realizira u suradnji sa Asocijacijom lokalnih i regionalnih vlasti Kraljevine Norveške (KS); Projekat partnerstvo gradova koji se realizira u suradnji sa organizacijom VNG – International, Kraljevina Holandija; ILDP Projekat UNDP-a; aktivnosti vezane za projekt Španske agencije za razvoj (APRODEL); Informacije o NALAS radionicama održanim u Sarajevu; Prijedlog zakona o izmjenama i dopunama Zakona o principima lokalne samouprave u Federaciji BiH - inicijativa Stranke

za BiH, „Proces kreiranja i zagovaranja javnih politika“ – radionica organizirana za sve članove skupštinskih komisija.

U svom drugom sazivu (septembar 2009. – juni 2010.) Komisija je održala dvije sjednice na kojima je razmatrano sljedeće – aktivnosti Saveza na projektima sa međunarodnim partnerima KS-om (Savezom lokalnih i regionalnih vlasti Norveške), GAP-om, OSCE-om, Vijećem Evrope, GTZ-om, UNDP-em; aktivnosti Saveza u okviru Nalas-a i CEMR-a, učešći u projektima prekogranične saradnje sa Srbijom, Crnom Gorom, Hrvatskom i Jadranski program, te aktivnostima Saveza u okviru Direkcije za evropske integracije.

A4. Komisija za imovinska pitanja, prostorno uređenje, stambeno-komunalne djelatnosti i zaštitu okoliša razmatra aktuelna pitanja iz nadležnosti lokalnih zajednica u domenu urbanizma, prostornog uređenja, komunalne infrastrukture i stambene politike, priprema i predlaže odgovarajuća rješenja za funkcioniranje komunalne infrastrukture, jačanje sposobnosti lokalnih vlasti za investicijsku rekonstrukciju i izgradnju komunalne infrastrukture, priprema odgovarajuća rješenja za zakonske projekte u oblasti prostornog uređenja i urbanističke politike u cilju jačanja sposobnosti općinskih vlasti da samostalno regulišu i upravljaju javnim poslovima koji su od interesa za lokalno stanovništvo, prati i izučava oblast stambene problematike, te osigurava primjenu jedinstvene politike u procesu projekta privatizacije, a posebno u domenu legislative o prodaji stanova na kojima postoji stanarsko pravo.

Ova komisija je u toku prvog mandata (maj 2007. – mart 2009.) održala šest sjednica, na kojima su između ostalog razmatrani - prijedlozi za izmjene i dopune Zakona o koncesijama; Nacrt zakona o izmjenama i dopunama Zakona o turističkim zajednicama i promicanju turizma u FBIH; Nacrt zakona o premjeru i katastru; inicijative za izmjenu Zakona o građevinskom zemljištu i Zakona o eksploataciji; Prednacrt Zakona o turističkoj djelatnosti; Prednacrt Zakona o ugostiteljskoj djelatnosti, te pitanja vezana za Nacrt općih uvjeta za isporuku električne energije, „Proces kreiranja i zagovaranja javnih politika“ – radionica organizirana za sve članove skupštinskih komisija.

U svom drugom sazivu (februar 2010. – februar 2011.) Komisija je održala pet sjednica na kojima su, između ostalog, razmatrani – Prijedlog zakona o premjeru i katastru nekretnina; Nacrt zakona o izmjenama i dopunama Zakona o zemljišnim knjigama FBIH; Nacrt zakona o šumama, Plan rada Saveza za period 2010.-2011.godina, te inicijative općina Stari Grad, Konjic, Ilidža i Tuzla.

A5. Komisija za ekonomski razvoj općina i gradova i finansije prati i razvija neophodnu kulturu poduzetništva na lokalnom nivou, izgradnju kapaciteta u poslovnom upravljanju i ekonomskom razvoju, razmatra promjene režima oporezivanja i uvođenje stimulativnog poreznog sistema, podstiče zapošljavanje u okviru privatnog sektora, s ciljem unapređenja privatnog poduzetništva kao sposobnog i aktivnog učesnika u finansijskim i ekonomskim tokovima u zemlji, unapređuje razvoj i uvezivanje malih preduzeća, posebno radi na koncepciji novog poreznog sistema i zakonskih olakšica i drugih uvjeta (poslovni prostor, potrošačka politika, snabdijevanje i turizam), razvija aktivnosti u poboljšavanju i implementaciji politike jednakih mogućnosti za sve, prati i razmatra propise iz domena poduzetništva i ekonomije.

Ova komisija je u toku prvog mandata (maj 2007. – mart 2009.) održala osam sjednica, na kojima su između ostalog razmatrani – inicijative za dopune Zakona o koncesijama; Zakon o dugu, zaduživanju i garancijama; Nacrt zakona o poticajima za razvoj područja posebne zaštite u FBIH; Projekat integriranog lokalnog razvoja – UNDP; Nacrt izmjena i dopuna Zakona o koncesijama; Nacrt zakona o turističkoj djelatnosti, Prednacrt izmjena i dopuna Zakona o pripadnosti javnih prihoda, te Nacrt zakona o ugostiteljskoj djelatnosti, „Proces kreiranja i zagovaranja javnih politika“ – radionica organizirana za sve članove skupštinskih komisija.

U svom drugom sazivu (maj 2009. – septembar 2011.) Komisija je održala šesti sjednica, na kojima su, između ostalog, razmatrani – Nacrt zakona o izmjenama i dopunama Zakona o koncesijama; saradnja Saveza i GTZ-a u oblasti fiskalne decentralizacije; Modernizacija upravljanja imovinom u jedinicama lokalne samouprave u BiH; Inicijativa u vezi sa zahtjevom za izmjene i dopune Zakona o ugostiteljstvu; Zakon o šumama, Plan rada Saveza za period 2010.-2011.godina, Inicijativa u vezi sa pokretanjem inicijative za donošenje Zakona o komunalnim taksama na nivou Federacije; Pregled kontnog plana FBiH sa preporukama za njegove izmjene, te inicijative općina Stari Grad, Konjic, Ilidža i Tuzla.

A6. Komisija za izbor i imenovanja, na osnovu prikupljenih prijedloga od članica Saveza, utvrđuje prijedlog odluka o imenovanju odnosno razrješenju članova stalnih radnih tijela, Nadzornog odbora te povremenih radnih tijela.

Ova komisija je u toku prvog mandata (februar 2009. – mart 2009.) održala tri sjednice, na kojima su razmatrani – predlozi kandidata za organe i tijela Skupštine Saveza. Članovi Komisije su učestvovali u radu Radionice "Proces kreiranja i zagovaranja javnih politika".

B. Povremena radna tijela

Komisije mogu radi sagledavanja pojedinih pitanja iz svog djelokruga rada obrazovati povremena radna tijela (redne grupe) iz reda članova komisije ili stručnih lica.

U skladu sa Statutom Saveza, u proteklom periodu formirano je više radnih grupa za sljedeća pitanja:

- Izrada modela Statuta Općine;
- Izrada modela Poslovnika općinskog vijeća;
- Izrada Zakona o statusu zaposlenika u organima jedinica lokalne samouprave;
- Izrada komentara na Zakon o državnim službenicima;
- Nacrt zakona o premjeru/izmjeri i katastru nekretnina;
- Nacrt zakona o izboru, prestanku mandata, opozivu i zamjeni načelnika općina u Federaciji BiH;
- Zakon o dugu, zaduživanju i garancijama u Federaciji BiH;
- Zakon o trezoru;
- Zakon o koncesijama;
- Izrada nacrtu Zakona o šumama;
- Izrada dokumenta kojim se uređuju među-administrativni odnosi u Federaciji BiH, i druga.



9. DIREKTOR SAVEZA

Na IV zasjedanju Skupštine Saveza održanom u Neumu 16.04.2009. godine usvojena je Odluka o izmjenama i dopunama Statuta Saveza po kojoj je funkcija Sekretara Saveza zamijenjena funkcijom Direktora Saveza.

Direktora bira i razrješava Predsjedništvo Skupštine Saveza.

Direktor Saveza zastupa i predstavlja Savez.

Direktor Saveza obavlja dužnost profesionalno i za svoj rad odgovaran je Predsjedništvu.

Predsjedništvo sa direktorom Saveza zaključuje ugovor o radu.

Direktor je odgovoran za pripremu sjednica Skupštine Saveza i Predsjedništva Skupštine Saveza.

10. STRUČNA SLUŽBA SAVEZA


Za obavljanje stručnih, administrativnih i tehničkih poslova iz djelokruga rada Saveza obrazovana je Stručna služba Saveza.

Odluku o obrazovanju Stručne službe donijelo je Predsjedništvo Saveza.

Stručnom službom Saveza rukovodi Direktor Saveza.

Uposlenici u Stručnoj službi:

1. Vesna Travljanin, Direktor
mail to: vesna@sogfbih.ba
2. Zlata Turkić, Viši saradnik za rad sa skupštinskim komisijama i institucijama vlasti
mail to: zlata@sogfbih.ba
3. Amir Kupusija, Viši saradnik za odnose sa javnošću
mail to: amir@sogfbih.ba
4. Elvira Imširović-Bolić, Viši saradnik za pravna pitanja
mail to: elvira@sogfbih.ba
5. Šejla Hasić, Viši saradnik za projekte
mail to: sejla@sogfbih.ba
6. Selma Fišek, Viši saradnik za pravna pitanja
mail to: selma@sogfbih.ba
7. Dženita Kovačević, Viši saradnik za finansijska pitanja
mail to: dzenita@sogfbih.ba
8. Edin Demirović, Saradnik za lokalnu samoupravu
mail to: dino@sogfbih.ba
9. Brankica Bašić, Saradnik za administrativne i finansijske poslove
mail to: savez@sogfbih.ba



Kontakti Saveza

Savez općina i gradova
Federacije Bosne i Hercegovine

Adresa: Musala 5/1,
71000 Sarajevo
Bosna i Hercegovina

Tel: 387 33 216 502; 209 120; 209 024
Fax: 387 33 552 810; 552 811

e-mail: savez@sogfbih.ba
web: www.sogfbih.ba

KONTAKTI OPĆINA/GRADOVA U FEDERACIJI BOSNE I HERCEGOVINE

R.B	OPĆINA	NAČELNIK	ADRESA	TEL/FAX	web stranica
1	BANOVIĆI	Bego Birparić	Branilaca Banovića 29	035/875 030 035/876 647	www.opcina-banovici.com.ba
2	BIHAC	Albin Mustić	Bosanska 4	037/224 222 037/222 220	www.bihac.org
3	BOSANSKA KRUPA	Armin Halitović	Trg Avde Cuka 12	037/471 088 037/471 090	www.opcinabosanskakrupa.ba
4	BOSANSKI PETROVAC	Ermin Hajder	Bosanska 110	037/883 570 037/881 012	www.bosanskipetrovac.gov.ba
5	BOS. GRAHOVO	Uroš Makić	Vojislava Ivetića 2	034/850 191 034/850 203	www.bosanskograhovo.ba
6	BREZA	Seid Smailbegović	ZAVNOBIH-a 2	032/786 062 032/783 314	www.breza.com
7	BUGOJNO	Hasan Ajkunić	307 Motoriz. brigade 6	030/270 021 030/251 222	www.opcina-bugojno.ba
8	BUSOVAČA	Asim Mekić	16 Kolovoza	030/732 152 030/733 038	www.opcina-busovaca.com
9	BUŽIM	Mirsad Šahinović	505 Viteške brigade 26	037/410 091 037/410 031	www.opcinabuzim.ba
10	CAZIN	Nermin Ogrišević	Trg Prvog pred.predsied. Alije Izetbegovića 1	037/514 006 037/514 314	www.opcinacazin.com
11	CENTAR	Dževad Bećirević	Mis Irbina 1	033/562 300 033/562 400	www.centar.ba
12	ČAPLJINA	dr.Smiljan Vidić	Trg kralja Tomislava	036/805 052 036/805 983	www.capljin.ba
13	ČELIĆ	Sead Muminović	Alije Izetbegovića 60-2	035/668 650 035/668 672	www.celic.ba
14	ČITLUK	Ivo Jerkić-Ilo	Kralja Tomislava 87	036/640 500 036/640 537	www.citluk.ba
15	DOBOJ ISTOK	Mehmed Mehinović	Klokotnica bb	035/720 028 035/720 416	www.dobojistok.org
16	DOBOJ JUG	Džavid Aličić	Trg 21 marta	032/691 335 032/699 331	www.dobojjug.ba
17	DOBRETIĆI	Marko Dražetić	Dobretići bb	030/641 202 030/641 203	
18	DOMALJEVAC-ŠAMAC	Željko Josić	Posavskih branitelja 148	031/716 600 031/716 604	www.domaljevac.ba
19	DONJI VAKUF	Huso Sušić	14 Septembra bb	030/205 500 030/205 239	www.donji-vakuf.ba
20	DRVAR	Anka Papak-Dodig	Titova 1	034/819 171 034/819 001	www.opstinadrvar.org
21	FOČA - USTIKOLINA	Zijad Kunovac	Omladinska bb	038/519 400 038/519 402	www.foca-ustikolina.ba
22	FOJNICA	Salkan Merdžanić	Bosanska 17	030/544 002 030/831 408	www.fojnica.ba
23	GLAMOČ	Radovan Marković	Nikole Bainovića bb	034/206 167 034/206 153	www.opstinaglamoc.ba
24	GORAŽDE	Muhamed Ramović	Maršala Tita 2	038/221 002 038/221 332	www.gorazde.ba
25	G VAKUF - USKOPLJE	Sead Čaušević	Fra Anđela Zvizdovića bb	030/494 068 030/494101	www.gornjivakuf-uskoplje.ba
26	GRAČANICA	Nusret Helić	Mula Mustafe Bašeski.1	035/700 800 035/707 000	www.opcina-gracanica.ba
27	GRADAČAC	Fadil Imširović	Huseina Kapetana G. 54	035/817 322 035/817 156	www.gradacac.ba
28	GRUDE	Viktor Marić	Fra Gabre Grubišića 4	039/660 900 039/660 930	www.grude.ba
29	HADŽIĆI	Hamdo Ejubović	Hadželi 114	033/475 900 033/475 952	www.hadzici.ba
30	ILIDŽA	Amer Čenanović	Butmirska cesta 12	033/775 600 033/775 777	www.opcinailidza.ba
31	ILIJAS	Nusret Mašić	126 Ilijaške brigade 4	033/580 620 033/400 505	www.ilijas.ba
32	JABLANICA	Salem Dedić	Pere Bilića 25	036/751 300 036/ 753 215	www.jablanica.ba
33	JAJCE	Nisvet Hrnjić	Nikole Sopa bb	030/658 013 030/658 013	www.opcina-jajce.ba
34	KAKANJ	Jašarspahić Mensur	Alije Izetbegovića 123	032/771 801 032/771 802	www.kakanj.com.ba
35	KALESIJA	Rasim Omerović	Patriotske lige bb	035/631 259 035/631 288	www.kalesija.ba
36	KISELJAK	Mladen Mišurić	Josipa bana Jelačića bb	030/877 800 030/879 077	www.opcina-kiseljak.org
37	KLADANJ	Fuad Imamović	Kladanjske brigade 2	036/628 450 035/621 150	www.kladanj.ba
38	KLJUČ	Osman Čehajić	Branilaca 76	037/661 100 037/661 104	www.opcina-kljuc.ba
39	KONJIC	Emir Bubalo	Maršala Tita bb	036/712 200 036/729 813	www.konjic.ba
40	KREŠEVO	Mato Barišić	Komari br.1	030/806 602 030/806 667	www.kresevo.net
41	KUPRES	Stjepan Herceg	Vukovarska 2	034/274 123 034/274 046	
42	LIVNO	Luka Čelan	Trg Branitelja Livna 1	034/202 222 034/200 315	www.livno.ba
43	LJUBUŠKI	Nevenko Barbarić	Zrinsko frankopanska 71	039/835 500 039/835 513	www.ljubuski.ba
44	LUKAVAC	Dževad Mujkić	Trg slobode 1	035/553 554 035/553 554	www.lukavac.ba

45	MAGLAJ	Mehmed Mustabašić	Viteška broj 4	032/609 550 032/609 551	www.maglaj.ba
46	MOSTAR	Ljubo Bešlić	Adema Buče 19	036/500 600 036/580 031	www.mostar.ba
47	NEUM	dr. Žilvko Matuško	Kralja Tomislava 1	036/880 214 036/880 226	www.neum.ba
48	NOVI GRAD	Damir Hadžić	Bul.Meše Selimovića 97	033/291 100 033/291 278	www.novigradsarajevo.ba
49	NOVI TRAVNIK	Refik Lendo	Kralja Tvrtka bb	030/792 426 030/795 015	www.novi-travnik.com
50	NOVO SARAJEVO	Nedžad Koldžo	Zmaja od Bosne 55	033/492 100 033/644 559	www.novosarajevo.ba
51	ODŽAK	Luka Jurić	Glavni Trg 3	031/762 027 031/710 811	www.odzak.ba
52	OLOVO	Alija Hadžiabdić	Branilaca grada bb	032/829 540 032/829 568	
53	ORAŠJE	Topić Đuro	Treća ulica 45	031/712 322 031/712 011	www.orasje.ba
54	PALE - PRAČA	Asim Zec	Himze Sablje 33	038/799 100 038/799 101	www.praca.com.ba
55	POSUŠJE	Petar Polić	Fra Grge Martića bb	039/681 035 039/681 041	www.opcina-posusje.ba
56	PROZOR-RAMA	Jozo Ivančević	Kralja Tomislava bb	036/771 920 036/771 342	www.prozor-rama.org
57	RAVNO	Andrija Šimunović	Trg Ivana Musića	036/891 465 036/891 466	
58	SANSKI MOST	Sanjin Halimović	Banjalučka 3	037/686 044 037/686 010	www.sanskimost.gov.ba
59	SAPNA	Ismet Omerović	206. Viteške brd.brigade	035/599 530 035/599 555	www.opcinasapna.ba
60	SARAJEVO	Alija Behmen	H.Kreševljakovića 3	033/208 340 033/208 341	www.sarajevo.ba
61	SREBRENİK	Mehmed Bajrektarević	Radnička bb	035/645 822 035/645 813	www.srebrenik.ba
62	STARI GRAD	Ibrahim Hadžibajrić	Zelenih beretki 4	033/282 300 033/205 777	www.stargrad.ba
63	STOLAC	Stjepan Bošković	Kralja Tomislava bb	036/853 101 036/853 229	
64	ŠIROKI BRIJEG	Miro Kraljević	Fra Didaka Buntića 11	039/702 801 039/705 915	www.sirokibrijeg.ba
65	TEOČAK	Taib Muminović	Centar bb	035/755 318 035/755 319	
66	TEŠANJ	Fuad Šišić	Trg Alije Izetbegovića 11	032/650 022 032/650 220	www.opcina-tesanj.ba
67	TOMISLAVGRAD	Ivan Vukadin	Mijata Tomića 108	034/356 400 034/356 444	www.tomislavgrad.gov.ba
68	TRAVNIK	Tahir Lendo	Konatur bb	030/511 277 030/511 825	www.opcinatravnik.com.ba
69	TRNOVO	Ibro Berilo	Trnovo bb	033/439 113 033/439 008	www.trnovo.ba
70	TUZLA	Jasmin Imamović	ZAVNOBIH-a 11	035/307 310 035/307 311	www.tuzla.ba
71	USORA	Anto Čičak	Sivša bb	032/895 240 032/893 514	www.usora-opcina.com
72	VARES	Hamdo Fatić	Zvijezda 34	032/848 100 032/848 150	www.vares.info
73	VELIKA Kladusa	Admil Mulalić	Hamdije Pozderca 3	037/770 030 037/775 272	www.velikakladusa.gov.ba
74	VISOKO	Munib Alibegović	Alije Izetbegovića 12 A	032/735 900 032/738 330	
75	VITEZ	Vlado Ališević	Stjepana Radića 1	030/718 200 030/713 939	www.opcinavitez.info
76	VOGOSČA	Edin Smajić	Jošanička 80	033/430 805 033/430 803	www.vogosca.ba
77	ZAVIDOVIĆI	Hakija Osmić	Safvet bega Bašagića bb	032/878 314 032/868 230	www.zavidovici.ba
78	ZENICA	Husejin Smajlović	Trg BiH 6	032/403 999 032/241 614	www.zenica.ba
79	ZEPCE	Mato Zovko	Stjepana Radića 2	032/880 325 032/880 442	www.opcina-zepce.com
80	ZIVINICE	Hasan Muratović	Alije Izetbegović 28	035/775 511 035/772 125	www.opcinazivinice.org